

OPCIONI PROTOKOL O KOMUNIKACIJSKIM PROCEDURAMA (OP3) UZ KONVENCIJU UJEDINJENIH NACIJA O PRAVIMA DJETETA

Konvenciju o pravima djeteta usvojila je Generalna skupština Ujedinjenih nacija 20. novembra 1989. godine. Konvenciju su potpisale skoro sve zemlje svijeta, uključujući i Bosnu i Hercegovinu.

Kako bi se djeca dodatno zaštitila, Ujedinjene nacije usvojile su tri opciona protokola uz Konvenciju o pravima djeteta:

1. Opcioni protokol koji se bavi zaštitom prava djece koja su izložena oružanim sukobima,
2. Opcioni protokol koji se bavi zaštitom djece od različitih oblika trgovine djecom i seksualne eksploatacije djece i
3. Opcioni protokol koji se bavi komunikacijskim procedurama – na koji način djeca i njihovi predstavnici mogu podnijeti žalbu na kršenje njihovih prava Nezavisnom odboru Ujedinjenih nacija.

Treći opciona protokol o komunikacijskim procedurama (OP3) Bosna i Hercegovina nije potpisala niti ratificirala, iako se taj protokol u državama potpisnicama primjenjuje od 14. aprila 2014. godine.

Potpisimo i ratificirajmo OP3!

Zašto je potreban i važan OP3?

Najbolje rješenje za djecu jeste postojanje sistema u kojem su djeca sigurna i zaštićena u svojim zajednicama. Međutim, ako se prava nekog djeteta krše, a dijete ne može pronaći rješenje problema u svojoj državi, OP3 omogućava djeci da se žale Ujedinjenim nacijama u slučaju zlostavljanja, nasilja i drugih oblika kršenja njihovih prava.

OP3 treba koristiti kada se iscrpe sve druge mogućnosti. Jedan od ciljeva Protokola jeste potaknuti vlade da stvaraju dobre mogućnosti i rješenja za djecu na lokalnom i državnom nivou.

Do danas je Protokol potpisalo 50 zemalja svijeta, a 20 zemalja ga je ratificiralo. To znači da djeca u tim zemljama imaju mehanizam više za zaštitu svojih prava od djece u Bosni i Hercegovini.

Potpisimo i ratificirajmo OP3!

- Ratifikacija OP3 omogućit će djeci i njihovim predstavnicima, koji tvrde da su im prava povrijeđena a nisu dobili pravni lijek pred domaćim sudovima, da podnesu tužbu Komitetu Ujedinjenih nacija za prava djeteta.
- Ratifikacijom ovog protokola Bosna i Hercegovina potvrdit će svoju posvećenost unapređenju i zaštiti prava djeteta, kao i ispunjavanju obaveza preuzetih potpisivanjem Konvencije Ujedinjenih nacija o pravima djeteta.

Informacije o Protokolu možete naći u brošuri prilagođenoj djeci na linku:

<http://www.snaznijiglaszadjecu.ba/slike/dokumenti/3525OP3brosura.pdf>